

# ԱՐՏԱՅԱՆՄԱՆ ԱՊԱՐՈՎԱԳՐՈՒԹՅՈՒՆ



ԱՌԱՆՑ

ՌԻՍԿԵՐԻ

ԱՐՏԱՅԱՆՈՒՄ

Եթե դուք արտահանող եք և օտարերկրյա գնորդի հետ համաձայնեցրել եք վճարման հետաձգումը մատակարարումից հետո մինչև 2 տարի, ապա կարող եք «Հայաստանի արտահանման ապահովագրական գործակալություն» ԱՓԲԸ-ի (այսուհետ՝ ՀԱԱԳ) միջոցով ապահովագրել արտահանման հետ կապված դեբիտորական պարտքը և լինել պաշտպանված առևտրային և քաղաքական ռիսկերից: Իսկ օտարերկրյա գնորդի կողմից վճարումը չկատարելու դեպքում ՀԱԱԳ-ը Ձեզ կվճարի ապահովագրական հատուցում:

## ԻՆՉ ՀՆԱՐԱՎՈՐՈՒԹՅՈՒՆՆԵՐ Է ԲԱՑՈՒՄ ԱՐՏԱՀԱՆՄԱՆ ԱՊԱՀՈՎԱԳՐՈՒԹՅՈՒՆԸ



Միջազգային շուկաներում ապահով գործարքների կատարում արտահանողներին պաշտպանելով օտարերկրյա գնորդի չվճարման ռիսկից



Առևտրի անգրավ ֆինանսավորման հասանելիություն և դրամական հոսքերի բարելավում



Մրցակցային առավելությունների ձեռքբերում, վաճառքների ծավալների աճ և դեպի նոր շուկաներ մուտքի առաջխաղացում գնորդներին հետաձգված վճարման պայման առաջարկելու միջոցով



Նոր շուկաներում և օտարերկրյա նոր գնորդների հետ աշխատելու համար վստահության միջավայրի ձևավորում

## ԻՆՉ ՌԻՍԿԵՐ Է ԾԱԾԿՈՒՄ ԱՐՏԱՀԱՆՄԱՆ ԱՊԱՀՈՎԱԳՐՈՒԹՅՈՒՆԸ

### 1

#### Առևտրային ռիսկեր



Օտարերկրյա գնորդի սնանկություն, անվճարունակություն



Օտարերկրյա գնորդի հրաժարում վճարում կատարելուց առանց որևէ իրավական հիմքի

### 2

#### Քաղաքական ռիսկեր



Վարչական որոշումներ, իրավական ակտեր, որոնք հանգեցրել են վճարման կամ արտարժույթի փոխանակման անհնարինության



Քաղաքական իրադարձություններ և բնական աղետներ, որոնք հանգեցրել են վճարման սահմանափակումների կամ անհնարինության

# ՈՐՈՐՔ ԵՆ ԱՐՏԱՀԱՆՄԱՆ ԱՊԱՀՈՎԱԳՐՈՒԹՅԱՆ ՀԻՄՆԱԿԱՆ ՊԱՅՄԱՆՆԵՐԸ

- » Ապահովագրության ժամկետ՝ մինչև **2** տարի (համընկնում է պայմանագրով նախատեսված գնորդի կողմից հետաձգված վճարման ժամկետների հետ)
- » Սպասման ժամանակահատված\* **1 - 6** ամիս
- » Չհատուցվող գումար\* **5% - 25%**
- » Ապահովագրավճար՝ հաշվարկվում է ապահովագրական գումարի նկատմամբ կիրառելով ապահովագրական սակագինը
- » Ապահովագրական սակագին\* **0.55% - 1.9%**

\*Ապահովագրության պայմանները որոշվում են հիմք ընդունելով օտարերկրյա գնորդի ֆինանսական դրությունը, արտահանողի և օտարերկրյա գնորդի համագործակցության պատմությունը, օտարերկրյա գնորդի երկրի ռիսկայնության դասը և այլն:

## ՖԻՆԱՆՍԱՎՈՐՄԱՆ ԻՆՉ ՀՆԱՐԱՎՈՐՈՒԹՅՈՒՆ Է ՏԱԼԻՍ ԱՐՏԱՀԱՆՄԱՆ ԱՊԱՀՈՎԱԳՐՈՒԹՅՈՒՆԸ

Ապահովագրության վկայագրի միջոցով արտահանողները հնարավորություն են ստանում առավել բարենպաստ պայմաններով՝ առանց գրավի պայմանի, օգտվել ՀՀ բանկերի և/կամ վարկային կազմակերպությունների կողմից տրամադրվող շրջանառու կապիտալի ֆինանսավորման պրոդուկտներից (կարճաժամկետ վարկ, ֆակտորինգ):

## ԻՆՉ ԱՌԱՎԵԼՈՒԹՅՈՒՆՆԵՐ Է ՍՏԱՆՈՒՄ ՕՏԱՐԵՐԿՐՅԱ ԳՆՈՐԴՆ ԱՐՏԱՀԱՆՄԱՆ ԱՊԱՀՈՎԱԳՐՈՒԹՅԱՆ ԴԵՊՔՈՒՄ

- » Մատակարարված ապրանքի դիմաց ավելի ուշ վճարելու հնարավորություն
- » Դրամական հոսքերի բարելավում և հետևաբար բանկերից ֆինանսավորում ստանալու անհրաժեշտության բացակայություն

# ԱՌԵՎՏՐԻ ՖԻՆԱՆՍԱՎՈՐՄԱՆ ԱՌԱՎԵԼՈՒԹՅՈՒՆՆԵՐԸ

- » Շրջանառու կապիտալի համալրում անմիջապես արտահանումից հետո
- » Դրամական հոսքերի արդյունավետ կառավարում
- » Ֆինանսավորումը կարող է տրամադրվել ինչպես պայմանագրի արժույթով, այնպես էլ այլ արժույթներով՝ հնարավորություն ընձեռելով չեզոքացնել փոխարժեքի տատանումներից հնարավոր կորուստները

## ԻՆՉՊԵՍ Է ԳՈՐԾՈՒՄ ԱՐՏԱՅԱՆՄԱՆ ԱՊԱՅՈՎԱԳՐՈՒԹՅՈՒՆԸ



## ՀԱԱԳ-Ի ԳՈՐԾԵՆԿԵՐ ՖԻՆԱՆՍԱԿԱՆ ԿԱՌՈՒՅՑՆԵՐ



# ՀԱԱԳ-Ի ԱԶԱԿՑՈՒԹՅՈՒՆՆԻՑ ՕԳՏՎՈՒՄ ԵՆ ՆԱԵՎ



## ՀԱԱԳ-Ի ՎԵՐԱԲԵՐՅԱԼ ԸՆԴՀԱՆՈՒՐ ՏԵՂԵԿՈՒԹՅՈՒՆՆԵՐ

«Հայաստանի արտահանման ապահովագրական գործակալություն» ԱՓԲԸ-ն հիմնադրվել է ՀՀ կառավարության որոշմամբ 2013 թվականին՝ ՀՀ ռեզիդենտ արտահանող կազմակերպությունների արտահանումը խթանելու և վերջիններիս համար մատչելի ֆինանսավորման ռեսուրսներ հասանելի դարձնելու նպատակով: ՀԱԱԳ-ի միակ բաժնետերը Հայաստանի Հանրապետությունն է:

2025 թվականին Moody's հեղինակավոր վարկանիշային գործակալության կողմից «Հայաստանի արտահանման ապահովագրական գործակալություն» ԱՓԲԸ-ին շնորհվել է Ba3 stable վարկանիշ:


ՀԱԱԳ-ի կողմից ստանձնած ապահովագրական ռիսկերի մինչև 95%-ը վերաապահովագրված է հեղինակավոր Swiss Reinsurance Company Ltd. կազմակերպության կողմից, որն արժանացել է Standard & Poor's AA- (Very strong/ stable outlook), Moody's Aa3 (Excellent/ stable outlook) և A.M. Best A+ (superior/ stable outlook) վարկանիշների: 2023 թվականից սկսած ապահովագրական ռիսկերը վերաապահովագրվում են նաև ներքին շուկայում՝ «Լիգա Ինշուրանս» ԱՓԲԸ-ի կողմից:

2026 թվականի մարտ ամսվա դրությամբ ՀԱԱԳ-ի կողմից վճարված ապահովագրական հատուցումների ընդհանուր գումարը կազմել է շուրջ 754 մլն ՀՀ դրամ:

Ապահովագրական պատահար չհամարվող դեպքերը կամ ռիսկերը, ապահովագրական հատուցում ստանալու կարգը և գործընթացը, ապահովադրի կողմից ապահովագրավճար չվճարելու հետևանքները, ապահովադրի իրավունքները և պարտավորությունները, ապահովագրության պայմանագիր կնքելու համար անհրաժեշտ փաստաթղթերի ցանկը, ապահովագրության պայմանագրի կնքման կարգն ու պայմանները, ապահովագրության պայմանագրի վաղաժամկետ դադարեցման և լուծման դեպքերն ու պայմանները նկարագրված են «ՀԱԱԳ» ԱՓԲԸ-ի պաշտոնական վեբ կայքում [www.eia.am](http://www.eia.am):


«Հայաստանի արտահանման ապահովագրական  
գործակալություն» ԱՓԲԸ-ն վերահսկվում է  
ՀՀ կենտրոնական բանկի կողմից  
ՀՀ ԿԲ լիցենզիա՝ ԱՊՈ 0011

Մանրամասն տեղեկությունների համար զանգահարել  
հետևյալ հեռախոսահամարներով

 +374 10 58 29 29

 eia.am

 info@eia.am

 ՀՀ, ք. Երևան, 0010, Սիեր Մկրտչյան 5,  
Բ մասնաշենք, 9-րդ հարկ

